

# UMP tonjol keunikan budaya kaum India

Sinar (Kuantan) /min 8/2/10 msK4

**KUANTAN** – Kira-kira 1,500 peserta menggegarkan Universiti Malaysia Pahang (UMP) sempena sambutan Pesta Sinar Ponggal 2010 anjuran Kelab Kebudayaan dan Kesenian UMP dengan kerjasama Kelab Bell Belia Tamil (KBBT) Kuantan di sini, semalam.

Program pertama kali dianjurkan bersama Jabatan Hal Ehwal Pelajar Alumni (JHEPA) UMP disertai pelbagai kaum selain turut dimeriahkan dengan kehadiran beberapa mahasiswa luar negara.

Bagi mahasiswa Nigeria, Mubarak Murafa, 18, pesta kebudayaan itu amat unik dan ia memberikan pengalaman pertama kepadanya sejak mula menjejakkan ke negara ini beberapa tahun lalu.

Menurutnya, keunikan yang penuh warna-warni di samping pesta kebudayaan kaum India turut disertai



● Dr Daing (dua, kanan) bersama Thiagaselan (kanan) beramah mesra dengan Pengarah Program Pesta Sinar Ponggal 2010, Simon Peter Chandran (empat, kiri) dan penari yang membuat persembahan sempena Pesta Sinar Ponggal 2010.

kaum lain, menambahkan kemeriahan program tradisi sejak turun-temurun penganut agama Hindu.

"Ini adalah kali pertama saya menyertai program tradisi ini. Cukup warna-warni dan sangat meriah. Ia

menjanjikan pengalaman mempesonakan saya.

"Selama ini saya ada mendengar mengenai pesta ini beberapa kawan India, tetapi hari ini (semalam) saya merasai sendiri kemeriahan sebenar seperti dice-

ritakan," katanya ketika ditemui pada pesta itu.

Rakannya yang berasal dari Jerman, Robin Mayr, 16, turut terpesona dengan kerancangan tarian dan keunikan kaum di negara ini yang hidup dalam suasana



● MUBARAK MURAF A



● ROBIN MAYR

aman dan harmoni walaupun berbeza agama dan budaya.

"Pesta ini tidak terdapat di negara saya, jadi ini juga kali pertama menyertai pesta ini. Sungguh menakjubkan kerana masyarakat

Malaysia sangat peramah tanpa mengira kaum," katanya.

Sementara itu, Naib Canselor, Prof Datuk Dr Daing Mohd Nasir berkata, pendekatan konsep 1 Malaysia dalam pesta ponggal anjuran mahasiswa berjaya kerana disertai pelbagai lapi-

san masyarakat.

Beliau berkata, 11 institusi pengajian tinggi menyertai pesta julung kali diadakan di UMP, sekali gus menentang seni kebudayaan unik masyarakat majmuk di negara ini.

"Saya dimaklumkan, 16 persembahan kebudayaan pada sempena pesta ini. Malah lebih membanggakan ia menjurus kepada kesenian kaum Melayu, Cina dan India. Penyertaan me-reka boleh dekati komuniti sekitar menerusi pendekatan 1Malaysia," katanya.